

新修江寧府志

第二十三本

金石上

金石下

新修江寧府志卷之五十二

金石 上

金石之刻爲者欲以遺留千古而或未百年而已泯沒此考古者所深惜也江寧古刻最多而世代遷移遭罹兵火今現存者猶有百餘宜亟志使後君子有考焉其泯失者別記爲後卷作金石志

漢校官碑

分書光和四年十月立在溧水學宮

漢校官碑宋紹興十一年溧水尉喻仲遠得之固城湖濱置之官舍今在孔廟之大門右元至順四年文學掾濟陰單禧刻宋洪景伯适釋文并禧所釋字於

新修江寧府志

卷之五十二

金石

一

其側按此碑文後分三橫列綴以題名漢碑多有此式嘉定錢少詹大昕云釋名誅累也累列其事而稱之也廣韻誅壘也壘述前人之功德也誅本爲哀死而作今縣民頌其長而稱誅雖亦累德之詞然失其義矣

吳衡陽郡太守葛祚碑

正書在句容

葛祚碑額正書鉅刻屹立句容城西梅家邊按釋道世法苑珠林引搜神記云祚字亢先丹陽句容人吳時作衡陽太守郡境有大槎橫水能爲妖害百姓爲之立廟行旅過者必禱祀之乃安祚將去官大具斧

斤將伐去之其夜槎自浮去數里之外駐在灣中其患遂息行者賴之衡陽人爲祚立碑當卽其人

晉張壯武祠甄

分書在句容城內義臺

甄高六寸長五寸寬二寸陽文云咸康四年按晉書張華范陽方城人二子躋禕禕子輿字公安襲華爵避難過江辟丞相掾太子舍人裔孫道正云其世譜載輿過江後家句曲明萬歷間尚有祠基族子葺治得晉甄數枚款文并同遂嵌置義臺之壁

梁天監十五年井欄題字

正書在句容

井在句容城守署欄刻三十五字乾隆甲辰陽湖孫

新修江寧府志

卷之五十二

金石

二

觀察星衍始訪得之

梁散騎常侍司空安成康王碑

正書在上元

上元黃城邨東北甘家巷有二碑屹立田中其一全

泐一額云梁贈侍中司空安成王之碑文爲風雨摧

殘剝落已盡其中隱約有孝綽數字可辨蓋卽王厚

之復齋碑錄所載故州民前廷尉彭城劉孝綽撰吳

興貝義淵正書之碑也按王名秀字彥達太祖第七

子與始興王同母以孝弟聞於時官中衛將軍都督

郢司霍三州軍事尋遷雍梁南北秦四州軍事多惠

政天監十七年薨於竟陵諡曰康歸葬京師故吏夏

侯亶表請立碑詔許之于是名士游王門者王僧孺陸倕劉孝綽裴子野各製其文欲擇用之而咸稱實錄遂四碑并建今存此一碑碑陰正書分六列紀故吏人名今止三十九人姓氏可辨

梁故侍中司徒驃騎將軍始興忠武王之碑

正書在上元

碑在上元花林之東黃城邨侍中尚書右僕射宣惠將軍東海徐勉造吳興貝義淵書按王名愴字僧達太祖第十一子居母喪過禮哀感旁人薨於普通三年十一月諡曰忠武碑文與史傳大略相同惟封始興郡王食邑三千戶碑作二千耳銘中原落一字竟

新修江寧府志

卷之五十三

金石

三

未補註嘗見古刻每有落字或註于旁或竟不補蓋當時書丹于石故時有此誤耳

吳平侯蕭景墓闕 在上元

蕭景墓闕正書反刻在上元花林邨按景高祖從父弟封吳平縣侯天監十五年加侍中十九年出爲安西將軍郢州刺史普通四年卒于州詔贈侍中中撫軍開府儀同三司諡忠闕稱中撫將軍而史作中撫軍蓋六朝人稱謂每省一字中撫將軍稱中撫軍猶左將軍稱左軍右將軍稱右軍也

陳攝山棲霞寺碑文 行書在上元

陳侍中尚書令宣惠將軍叅掌選事菩薩戒弟子濟陽江總持撰陳翊前會稽王行叅軍京兆韋霈書此碑經唐會昌時毀廢後已曾重立至宋復斷康定元年三月十七日僧契先復依舊本鐫立始得傳至于今前列款云聖宋賜紫沙門懷則重書賜紫沙門有朋篆額按姚思廉陳書江總以字行故此列銜書總持嘉定錢學士大昕云銜上加翊前二字初未解爲何語因攷陳書後主之第八子莊封會稽王正明二年除翊前將軍揚州刺史則霈卽莊之屬吏當時太子封王者必除都督刺史加將軍號乃得開府置官屬故加翊前于會稽之上也梁時置翊前翊後翊左翊右四將軍在第二十班

北周保定二年王悅生造象 正書在江寧

右造象合今尺高一尺五寸寬八寸凡四面二面俱刻佛象二面題名俱正書現存冶城山東麓明北平都指揮使孫烈愍泰祠

隋隋羅尼經殘字 正書在江寧舍利塔上

隋仁壽元年六月詔頒舍利于諸州其時共起塔四十九座咸刊石以紀瑞應棲霞塔石質若玉鐫鏤極精惜半爲火敗相傳宋建炎初金師還欲渡江與韓

世忠相持于黃天蕩夜見是塔有光赫若冶鑪之燄不識其故因用火焚此遭毀之由也

唐攝山棲霞寺明徵君碑

行書在棲霞寺

高宗御製文朝議郎行左金吾衛長史侍相王書臣高正臣奉敕書朝散大夫守太子洗馬王知敬篆額上元三年歲在景子四月戊戌朔廿五日壬戌建按劉昫舊唐書云明崇儼累遷正議大夫每因謁見輒假以神道頗陳時政得失帝深加允納潤州棲霞寺是其五世祖梁處士山賓故宅帝爲製碑文親書于石論者榮之今碑乃高正臣書劉昫蓋以御製并訛

新修江寧府志

卷之五十二

金石

五

爲御書耳據碑舍宅爲寺乃僧紹第二子仲璋而史稱處士山賓故宅且山賓仕梁通顯沒贈侍中旣出矣何以復稱處士此唐書之誤也碑陰刻正書棲霞二大字又無量毀旁有正書石碣一惜剝蝕太甚莫能辨作者姓名因中存大唐上元歲數字故附記于此

瀨水上古貞義女碑銘

正書在溧水

前翰林院內供奉學士隴西李白書無建立年月張竑金陵新志云係宋淳熙五年重刻

顏真卿奉詔立放生池碑

附乞御書碑額表及肅宗批答俱行書在江寧

按周應合景定建康志云今秦園之側府學之東卽古放生池蓋當時八十一所之一也碑在城內鷲峯寺前後人所立非魯公所書石也表云臣去年冬任昇州刺史按魯公本傳僅書任蒲饒二州此可以補史之闕

送劉太冲序

顏真卿撰并行書在溧水學宮

按魯公送劉太冲敘併及太冲之弟太真新舊唐史文藝有太真傳太真天寶上第墓在縣北號柘塘神帝神道碑裴度撰蔣潼書昔置丞解旋轉縣齋宋慶元中宣城戴援到官得碑縣庖下僅存三百七十有

新修江寧府志

卷之五十二 金石

六

九字同郡李兼經從相與起敬鄉賢因出其家藏顏魯公送太冲帖再摹入石并太真斷碑匣置廳壁按此戴援所記則送太真序與其弟墓碑存字併在廳壁今僅敘存而斷碑亦無矣又魯公序述其先世云開府垂明于宋室澤州考績于國朝按彭城劉氏在宋宗室之外劉勔爲最貴此云開府似卽勔也勔爲鎮軍將軍置佐國開府矣但南朝凡重號將軍無不開府勔官爲中領軍卒贈司空又重于開府北朝則獨稱開府儀同三司曰開府唐人多沿北朝之制以稱南朝先祖之官多失其輕重觀唐書宰相世表可

見也此蓋魯公因劉氏子孫之辭載之耳又宰相世表於丹陽劉氏所載甚畧蓋劉鄴遘黃巢之禍其家衰替史不詳其世系太冲蓋卽鄴同宗派皆出于勗而澤州者不知爲誰矣

造象記

正書先天二年刻在江寧

造象記向在山東滋陽隆興寺壁間中鑿爲龕刻象五軀四周題字陽湖孫觀察星衍購得今存江寧明北平都督燕山侯孫興祖祠

寶誌禪師像讚

在上元

右寶公像碑額篆書普濟一真吳道子畫

建康志作梁張僧繇

新修江寧府志

卷之五十二

金石

七

畫李太白讚顏真卿正書世稱三絕在靈谷寺原石毀于明成化間此係後人重刻并寶公所著十二時歌

潤州上元縣福興寺碑

行書在江寧

碑在江寧銅井村尚書金部郎中兼侍御史上柱國潁川許登撰大理評事張從申書并題額大唐大歷五年歲次庚戌六月一日壬辰建文之首尾爲風雨剝落撰文姓氏及立碑年月皆不可辨證之以復齋碑錄知爲許登之作武德九年上元改屬潤州故碑題云潤州上元

唐紫陽觀鐘

正書大歷十四年九月造在句容

鐘舊在玉晨觀不知何時移置句容城南關帝廟內
後有宋人題識云崇寧甲申中元日奉旨改玉晨觀
以崇寧萬壽宮爲額住持黃澄其唐識已將摩滅細
視之猶隱隱可辨

有唐茅山元靖先生廣陵李君碑銘

正書在茅山

金紫光祿大夫湖州刺史上柱國魯郡開國公顏真
卿撰并書大歷十口年夏五月建在玉晨觀觀乃陶
隱居之朱陽館唐太宗時更名華陽觀元宗時更名
紫陽宋祥符初始改今名觀于嘉靖三年遭鬱攸之

新修江寧府志

卷之五十二

金石

八

厄碑已毀碎乾隆己亥冬嘉定錢少詹大昕遊茅山
將碎碑聚置一處得二十一枚存千五百餘字後桐
城汪中丞志伊以所藏拓本全文重刻併立碎碑之
側碑中所稱隱居先生陶宏景也昇元先生王遠知
也體元先生潘師正也正一先生司馬子微也元靖
父私諡貞隱碑作正隱蓋魯公避家諱爾

華陽三洞景昭大法師碑

正書在茅山

朝議大夫檢校國子司業兼御史中丞吳郡開國男
陸長源撰朝議大夫尚書兵部郎中兼侍御史上柱
國竇泉書并篆額貞元三年獻春之月上元之辰建

造在玉晨觀按泉字靈長著述書賦七千六百四十
言精窮旨要故此碑書法端凝而有風骨洵藝林之
墨寶也碑側有錢端英紹興壬午閏月及淳熙甲辰
四月題名

大泉寺新三門記

正書立在句容崇明寺

鄉貢進士姚暮撰沙門齊操書開成三年歲次戊午
十一月己卯廿六日庚辰立大泉寺在句容東北五
十里碑因寺立不知何以置于崇明寺內碑云劉宋
開明二年按劉宋紀元無開明年號蓋緇流傳流之
誤而暮遂未深攷耳

新修江寧府志

卷之五十二

金石

九

張孝子祠殘碑

正書在句容

碑已殘缺在句容義臺孝子名常洧有廬墓之行集
古錄中有其碑目今已不存此碑殆建中時縣令呂
倕所立故中有其名碑側又有咸通時題名也

乾符四年崇明寺殘碑

正書在句容城內

碑已殘缺臥于寺內墀下只存七十六字讀其文蓋
紀界址之四至有僖宗年號據此知爲唐碑

崇明寺石幢二通

正書在句容

石幢二通在句容崇明寺大殿後東西相對一刻乾
符四年立一立于中口口年十月內二字漶漫疑爲

僖宗中和年有修建徐弁陸則等名

南唐治平寺殘碑

正書在上元祈澤寺

碑僅存中一截砌于本寺之壁按復齋碑錄云釋契恩撰并書篆額保大八年庚戌六月二十八日建碑內云宋代有此初不能解及閱元僧伯元撰重修佛殿碑始知寺建自劉宋營陽王義符景平元年廢于會昌之際昇元保大間重加修造者也

茅山紫陽觀碑銘

正書在句容

朝議郎守太子右諭德武騎尉賜紫金魚袋臣徐鉉奉制撰朝議郎守尚書虞部郎中武騎尉賜紫金魚

新修江寧府志

卷之五十二

金石

十

袋臣楊元鼎奉制書并篆額銀青光祿大夫行右千牛衛兵曹叅軍兼監察御史上柱國臣王文秉刻字已未歲十二月一日建已未乃李景中興之次年周世宗顯德六年也此時奉周正朔故不署南唐年號今碑已佚只存片石計四十餘字藏于句曲駱氏陽湖孫觀察星衍有舊拓完本現存江寧孫烈愍祠

唐本業寺記

正書在上元

僧契撫撰東山任德筠書唐乾德五年歲次丁卯七月十九日建在上元麒麟門外謝塘村乾德宋號也丁卯宋受周禪之八年南唐後主繼元之七年也此

時雖臣于中原在國猶用王者之禮故于宋號之上
加以唐字然亦僧徒之謬矣

晉卞忠貞墓前石柱

在冶城山後

晉尚書令驃騎將軍成陽卞公墓碣在冶城山下字
迹瓌瑋閱曾肇卞公祠堂記乃知封墓刻石者江寧
府知府事龍圖閣直學士葉清臣也

華陽洞口陳遵陳淵范民長陳孚曾審言陳輔等題名
十二 在茅山

按真誥句曲華陽洞最敞東通王屋西達峩嶺南接
羅浮北連岱岳洞中飛鳥交橫風雲翳鬱原埠壠堰

新修江寧府志

卷之五十二

金石

十一

草木水澤與外無異然未聞有人窮其勝者今洞口
有正書題名陳輔等七人雖未署年月攷之皆宋人
也

攝山天開巖明道二年黃召祥題名

棲霞舊有沈傳師題名目載趙明誠金石錄今不得
而見矣存者有黃召祥趙襄施安中徐君瑞胡恢莫
伯輿項德口曾和遠林箎等名內恢係篆書沈括夢
谿筆談稱金陵胡恢工書韓魏公令篆太學石經觀
其題名與陳畱學宮周禮殘碑筆意相似豈石經卽
恢之所書然其時章友直楊南仲張次立同與其事

又未能直以殘碑出于胡恢之手全吉士鮎埼亭集
攝山有宋游文靖公嘿齋題名今訪之渺不可得而
于千佛巖轉得題名十二又皆前人所未見者因詳
錄之

宋江寧府江寧縣牛首山崇教寺辟支佛塔記

正書在江寧牛

山首

碑僧普莊撰顧清書皇祐二年立在牛首辟支塔上

次韻子瞻題郭熙畫秋山詩

黃庭堅撰行書在溧水

石刻康熙閒僧闓堂獲于溧水能仁寺土中今爲蕭
氏所藏詩題下書山谷道人庭堅六字按內集任淵

新修江寧府志

卷之五十二

金石

十三

注云作于元祐二年時年四十三爲著作佐郎詩之
刻于江南或後人之所爲歟詩之背鐫迦諾迦伐蹉
尊者畫像左書武洞清筆山谷詩上又有十三字似
不全梵像贊語觀此詩畫雖同出宋人但無刻時年
月可考先後未能以意斷也

金陵雜詠

正書在江寧縣學

碑額題金陵雜詠左朝請郎充天章閣待制知江寧
軍府事武陽黃履撰江寧府溧水縣尉周沔書嘉定
錢少詹跋云右詩一十九首顧文莊云在江寧府治
不知何時移於縣學今在大成殿內元人刻先師像

于碑之陰陰轉向外而正面倚壁深閣雖日午非秉燭不能見好古之士罕見之者己亥春江寧嚴觀始訪得之手摹其文就予寓齋共讀快然如鐵網之遇珊瑚也碑未署年月其首一篇題云閏八月十日同運使正仲大夫提刑若愚司封運判金玉朝奉遊雨花亭攷建康志履以元祐六年到官其年恰閏八月又一篇題云和運判張德父燈夕不赴則次年春所作也王濟之姑蘇志守令題名云黃履元祐中以左朝奉郎充天章閣待制任又引盧熊志云熙寧六年自洪州徙蘇州六年六月移江寧府七月去任盧志

稱熙寧者實元祐之誤而是年六月自蘇州移江寧七月去任紀載歷歷可信想卽以七月到江寧矣宋時百司十日一休假亦謂之休澣故有上澣中澣下澣讀周益公撰光堯丁亥本年命道場滿散朱表有日踰中澣之句攷其日乃十月二十一日始知中澣在月之二十日今安中以閏八月十日出遊而其詩云閏月稍豐暇清晨適逢休則上澣在月之十日也永慶寺觀陳井詩云龍沈景陽井欄刻惟存戒按景陽井銘隋煬帝所作隸于石欄之側宋時已不可見此所云欄刻當是唐開元二十一年江寧縣丞王震

重刻者但震記云井在興嚴寺而此稱永慶寺豈永慶卽興嚴之舊乎又王象之輿地碑目云陳景陽宮井欄石刻唐人書今在行宮南宋之行宮卽舊江寧府治也或者元祐以後守臣之好事者移永慶之石欄于郡治亦未可定然石可移而并不改求辱井所在者當以此詩爲據今城西北有永慶寺乃明時所建與宋之永慶似非一地又此君亭詩亭在華藏寺寺有石刻宋仁宗飛白書乾道八年畱守洪遵所刊也華藏之名金陵梵刹志失載不知其所在王荆公與弟平甫此君亭竹詩舊有石刻在府學卽今之今縣學

亦不可問矣惠烈廟詩廟祀蔣子文本在孫陵岡故有山北迢迢十里餘之句明初改立廟于雞鳴山而故廟遂廢紫極宮詩宮今之朝天宮也中有鍾阜軒不見于他書可據以補郡志之缺郭祥正字功父見于宋史今端州七星巖洞口有祥正石室遊篇自題子功此碑亦作子功蓋宋人命字多如此猶原父亦稱仲原也周沔字潮宗蘇州人元祐三年李常寧榜進士書法入能品

棲霞寺牒

元祐八年六月立

右牒刊于陳棲霞寺碑陰首行十三字正書次二行

爲太常寺奉旨定封號申尚書省狀次三行大字行書惟三牒字二敕字草書乃尚書省牒具敕詞也後題元祐年月上鈐以尚書省印後書押者二人以史攷之大中大夫守右丞鄭者鄭雍也左光祿大夫守左僕射姓名俱不書蘇頌也陸游老學庵筆記云自唐至本朝中書門下出敕敕字皆平正渾厚元豐後敕出尚書省亦然蔡京臨平寺額作險勁體來長而力短省吏始效之謂司空敕亦曰蔡家敕此碑敕字正其體也

宋仁壽縣君蘇氏墓誌銘

正書在祈澤寺

新修江寧府志

卷之五十二

金石

五

承議郎勾當亳州明道宮劉次莊撰并書紹聖四年立今砌祈澤寺大殿後按王荆公蘇公墓誌云蘇安世字夢得其先武功人後徙蜀蜀亾歸喪于京師今爲開封人女適單州魚臺縣尉江山趙揚卽仁壽縣君次莊字仲叟爲崇寧中御史卜築于淦水之濱東山之麓有戲魚堂帖

崇明寺大佛殿莊功德記

正書在句容

山陽李潛撰并書元符庚辰正月望日立刊于唐碑新三門記之陰碑首刻觀世音像端嚴妙好筆意似李龍眠碑側正書僧惠明等紀募緣所得之數

宋蓬壺洞石豫崇寧元年題名

正書在茅山

玉柱洞喬通叔崇寧四年題名

正書在茅山

大觀聖作之碑

正書在句容學宮

碑在句容大觀元年九月十八日資政殿學士兼侍讀臣鄭居立中奏乞以八行詔旨摹刻于石立之學宮次及太學辟廡天下郡邑此碑乃紹興二十四年後縣尹龔濤所建

茅山第二十三代上清大洞國師乾元觀觀妙先生幽光顯揚之碑

行書政和五年立在茅山

碑在乾元觀雲陽南郭陳輔造七閩西山蔡仍書并

新修江寧府志

卷之五十二

金石

六

題額

高逸上人詩

行書在上元祈澤寺

碑并題名書法極佳按仁壽縣君蘇氏墓誌云子三人峒德順軍司法叅軍喙朝邑令岍項城尉仁壽縣君葬于青龍山觀碣後題云岍展墓宿此因知爲蘇氏之子孟遠蓋其字也

梵仙詩

行書在祈澤寺

右梵仙詩碣與前詩并砌寺中壁上俱宣和四年壬寅歲四月旦日祈澤寺住持道昇上石袁仲才刊中云何日歸來閒歲月掃山_寺過餘齡殆亦趙岍之

詩末署梵仙二字或亦其字歟

建康甄 在江寧

甄正書陰文質若澄泥可鑿爲研江寧城內倉巷封崇寺壁間最多按宋紀建炎三年五月八日改江寧爲建康府乾隆五十年六月二十三日午刻鐵塔寺圮其中宋甄甚多此甄蓋修寺時移來者也

敕賜嘉惠廟額牒 紹興二年十一月立在新澤寺

碑額正書云靈澤夫人祠牒文俱正書惟三牒字二敕字草書而敕字獨大後題紹興年月上鈐以尚書省印後列簽書樞密兼參知政事權者權邦彥也參

新修江寧府志

卷之五十二

金石

七

知政事孟者孟庾也下注出使二字是時命爲江東西湖東路宣諭制置使故也曰尚書左僕射同中書門下平章事二人姓名俱不書以史攷之朱勝非呂頤浩也自元豐官制行而平章參知之名久廢南渡後初以尚書左右僕射并帶同中書門下平章事改門下中書侍郎爲參知政事而宰輔之名又一變矣敕封廣濟侯誥 紹興十七年立在溧水

碑在溧水城隍廟內牒誥必由尚書省施行執政者例得列銜署姓故此碑秦檜之名克列于後然其名氏爲人指所畫磨滅殆盡幾不可辨益證好善惡惡

之心古今一轍也

宋故建康府高座寺東講院主新公塔銘

正書在江寧

法永撰開封李布書紹興十九年九月立書法文章皆非絕品在江寧雨花岡永寧寺周吉甫謂在高座寺者誤

建康府句容縣重修夫子廟記

正書在句容

儒林郎新充池州教授江賓王撰右從事郎口口書紹興二十四年三月一日立按石刻紹興十八年題名賓王與朱文公同登進士縣志稱時秦檜秉政賓王以對策忤旨列名四甲仕秦興主簿遷池州教授

新修江寧府志

卷之五十二

金石

六

檜死方內補編修與龔濤并稱名宦今碑文太師益國秦公負伊臯之器懷孔孟之業又稱龔濤修學告成揭大觀八行之碑圖益公一德之像擬人非倫圖象權貴豈名宦之所當爲志乘恐未深攷耳

邵堯夫游伊洛詩

草書在江寧府學

朱文公書與常德府易有太極石刻相似今在府學左廡末有明人跋尾

忠烈廟碑

正書在江寧卞公祠

左奉議郎新權發遣饒州軍事廬陵胡銓撰文作于紹興三十二年越五十年忠簡之子澥始得囑正奉

大夫參知政事兼太子賓客四明樓鑰正書刻石記
云和國張公謂張浚也嘉定錢少詹大昕云周禮大
宗伯以實柴祀日月星辰注故書實柴爲賓柴此碑
正作賓从古文也忠簡子澥爲江東轉運判官本傳
失載其名

溧水縣重修正顯廟記

分書在溧水

左承議郎提舉兩湖路市舶王朝端詞并書乾道元
年冬十一月甲子左朝奉郎知縣事李魚立石

晉卞公祠堂記

正書在冶城

卞忠貞墓在冶城之西曾文昭公因墓剏祠初以嵇

新修江寧府志

卷之五十二

金石

九

紹配食陸放翁謂紹死惠帝時在卞公前而以配食
非也遂罷稽祀祠堂記署云左朝請大夫寶文閣待
制知江寧軍府事曾肇撰

李仲春題名

正書淳熙元年正月刻在淳化鎮

題名在上元淳化鎮廣惠廟石門之上中云都會首
亦猶漢唐人稱都會長都維那也

瞻園普生泉石欄題字

分書

右泉在江寧藩署盛仲文金陵泉品未收俗傳徐達
女妙錦不受文皇聘投此井死因封閉故久無汲者
戊戌夏秦淮斷流而此井不涸井石欄隸書十一字

曰普生泉淳熙丙午邵永堅建按宋孝宗在位二十七年改元者三隆興二乾道九淳熙十六丙午爲十三年到於今春秋將六百矣滄桑陵谷幾經變遷而此井獨存改邑不改井豈不信哉此井爲布政使陶某發未幾陶以事去官胥吏以爲井祟仍請封閉按劉純之存徵續錄云徐中山王季女妙錦端靜有識長姊仁孝皇后次姊代王妃妹安王妃洪武末諸藩不靖代王被逮妙錦感悟誓不適人親王求婚皆拒絕之仁孝崩文皇聞其賢欲聘爲后命內使女官往諭旨妙錦稱病不出女官直抵榻前不得已乃徐起

新修江寧府志

卷之五十二

金石

三

曰吾無婦容不足備六宮之選內使歸妙錦卽削髮爲尼文皇聞之竟虛中宮不復冊立洪熙改元乃返初服宣德初仁廟張太后自入東宮時聞其高潔心加敬慕乃徵入朝旣敘戚里恩自稱徐達第三女肅拜端凝不失跬步太后以下皆尊敬之隨遣內使護歸正統中卒耐葬鍾山先塋之次據此安得有投井之事乎俗語不實流爲丹青因詳書其事以示攷古者

小倉山下井銘

行書在上元

并在小倉山下銘刻大宋嘉泰三年五月十八日管

諸軍都壕事官將口口監造

白雲崇福觀記

行書在茅山

徽猷閣學士正議大夫提舉佑神觀兼太子詹事兼
修國史兼實錄院修撰戴谿撰朝奉郎守起居郎兼
國史院編修官兼實錄院檢討官兼侍講黃中書正
奉大夫守吏部尚書兼修國史兼實錄院修撰兼太
子詹事曾換篆額在茅山白雲觀
三宿巖厲元範趙伯林堅濯等題名行書嘉定十年刻在江寧靜海寺
江寧儀鳳門外有巨石舊為江濤激盪衝啗嵌空虞
允文出師艤舟三宿於此因得此名

新修江寧府志

卷之五十二

金石

三

方山上定林寺之記

行書在江寧方山

免解進士建康府校正書籍朱舜庸撰迪功郎新平
江府錄事參軍秦鑄書從政郎辟差充江南東路安
撫司准備差遣危和篆額嘉定十三年正月立按舜
庸江寧人積金陵事實二十年慶元六年畱守吳琚
得其編成建康續志其文傳于今者僅見此篇

重修建康府教授西廳記

行書在江寧縣學

朝散大夫起居舍人兼國史院編修官兼實錄院檢
校官鄭自誠撰并書宣義郎充江南東路轉運司幹
辦公事趙與勤篆額嘉定十六年正月立在縣學大

成殿之左碑云請於隆興李公者李大東也按景定建康志云天聖間建學置教授一員紹興九年因左丞葉石林奏照西京例增置一員分東西廳東廳在學之左西廳在學之右有淳熙四年張汝楫所撰總題名記今莫知所在矣宋史職官志但載列郡各置教官而京學教官有二員略之不及亦其疎也

建藏經記

正書在祈澤寺

碑在祈澤寺東僧寶華撰嘉定十七年七月立又有靈澤夫人祠紹興二年牒砌于門首入門有方池甃以石級泉自口出水味清冽在金沙玉兔之上

新修江寧府志

卷之五十二

金石

三

句容縣五瑞碑

紹定二年立在句容學宮

跋正書按張侶稱句容名宦紹興元年開放生池是年有五瑞之異邑民仿漢仇靖頌武都太守李翕例圖狀刻石以紀瑞應劉宰江千里二跋刻於其下碑在學宮內

如愚居士滿庭芳詞

正書在江寧牛首山

詞後題淳祐四年十月望日如愚居士書殆隱逸之流惜莫能攷其名氏今在牛首山辟支塔右字類山谷又一行云庚戌年九月初二日化按相距作詞時僅六年耳

荀氏義井

正書景定口年在江寧小倉山

顯應閣記

正書在溧水城隍廟

右碑周成之撰趙口發書咸淳二年立

白乳泉泉名

在棲霞

試茶亭題亭名

在棲霞

題字在棲霞千佛嶺下未署書者姓名及刻時歲月

周應合已採入建康志因錄于此

元句容縣重修學記

行書在句容

建康路儒學教諭口文龍撰句容縣丞董信書將仕

郎句容縣尉蕭善篆額元貞二年七月立元制縣分

新修江寧府志

卷之五十二

金石

三

上中下三等上縣又設達魯花赤掌縣印以知縣為

尹掌判置事上縣置丞中下只設簿尉句容元之上

縣也碑云尹加意于學校如龔如俞如吳者謂龔濤

俞洞吳琪也濤字仲山東平人紹興二十四年縣尹

洞淳熙九年縣尹琪括蒼人紹定間縣尹皆邑之名

宦

僧覺春題名

正書在句容

大德七年刻于崇明寺莊功德記之側

觀世音菩薩傳略

并像正書在江寧

魏國夫人所畫觀音大士像上方楷書觀音傳略後

署大德丙午春三月清明日吳興弟子管氏齋沐焚香拜書法像端嚴字畫秀整夫人名道昇字仲姬吳興人趙孟頫松雪集稱其翰墨詞章不學而能心信佛法手書金剛經至數十卷以施山川名僧此本殆當時施諸寺中者也舊在清涼山下荒圃中江寧伍福訪得之因奉置于江寧城內左所巷地藏庵內

加封孔子碑二通

俱正書一在江寧學宮碑陰有記一在句容學宮俱至大元年立

加封詔書在江寧縣學戟門內係別速臺書文載元文類係閻復撰按詔下于大德十一年九月刻石流傳至今尚多文同而字體篆隸正行及蒙古書不一

新修江寧府志

卷之五十二

金石

十四

然多遜此刻當以建康學冠江南故較他處猶鄭重也碑陰三列上記立碑年月月中下紀人名

句容縣重建學記

正書在句容

翰林學士承旨中奉大夫知制誥兼修國史王構撰承德郎江南諸道行御史臺監察御史潘汝劼書并篆額至大二年五月望日立石縣尉劉仁毅金陵新志誤作劉毅應从碑爲正

建康路文廟祭器記

正書在江寧縣學

前國子博士從仕郎江南諸道行御史臺監察御史劉泰撰承德郎江南諸道行御史臺監察御史潘汝

劄書奉議大夫江南諸道行御史臺都事杜溥題額
至大三年九月立碑陰正書

建康路學祭器總數記 正書在江寧縣學

建康路儒學學記胡助撰并書皇慶二年正月立

三茅山崇禧萬壽宮記 行書在茅山

從仕郎鎮江路錄事致仕王去疾爲文前翰林學士
承旨榮祿大夫知制誥兼修國史趙孟頫書并篆額
大元至治元年正月十五日建碑在本觀仁宗敕云
朕流觀山圖夷考仙蹟睠曲林之舊館實宏景之故
居原其建立之初以處高第弟子及今千載猶想遺

新修江寧府志 卷之五十二 金石

三五

風朕將益崇神明用著高尚其建康路三茅山崇禧
觀可準元敎張嗣師掌敎真人吳全節所請賜號曰
崇禧萬壽宮主者施行事在延祐六年三月日此敕
元紀不載第是年兩賜僧鈔猶且特書則此敕之見
遺果何故耶

句容鄉賢祠記 正書在江寧學宮

新安胡炳文門人程益書敎諭劉元明篆額泰定三
年七月立按炳文字仲虎學者稱雲峯先生見元史
儒學傳

集慶路孔子廟碑 正書在江寧學宮

前翰林學士通議大夫知口口同修國史盧摯撰嘉議大夫江南諸道行御史臺口口侍御史王口書并篆額文作于至大二年剝蝕過半非細視幾不可讀碑內所云楊演所撰儒學記目見京學志今已不可見矣

句容儒學田籍記 行書在學宮

教諭許良知撰延陵吳口文書并篆額至順二年二月十五日立

加封孔子父母及井官氏詔 正書至順二年六月立在江寧學宮

碑并加封四配詔俱在江寧縣學元史文宗紀及祭

新修江寧府志 卷之五十二 金石 三

祀志祇載加封啟聖王及夫人而不及井官氏之封史之闕文也嘉定錢少詹大昕云加封事在至順元年二月戊申碑書至順二年六月蓋立石之年也家語孔子年十九娶于宋丌官氏之女今攷漢韓敕禮器碑本作井官宋祥符追封及此詔亦皆作井官文字明白可證家語傳寫之誤廣韻先賢傳孔子妻井官氏今本引亦誤為丌蓋流俗相傳失其本真惟石刻出于千載以前者信有徵也

加封顏子孟子詔

加封曾子子思詔

加封程明道伊川詔

俱正書至順二年九月立在句容縣學

碑三通刻制詞六道在句容縣學未署立石人名按趙承禧大樂禮器碑云至元二年教諭劉德秀命立石六跌恭刻皇上勉勵徽章先皇帝加封詔書蓋此石德秀所立趙承禧撰文時不知其以制詞兩道同立一碑所以有六跌之說

捨田記碑下題名

正書在祈澤寺

題名在祈澤寺紀僧泰亨及譽公施田數目事在至順二年至至元三年始克立碑也

聖旨碑

正書在句容

新修江寧府志

卷之五十二

金石

三

碑在句容縣學按元紀元統二年二月己未朔詔內外興舉學校此詔蓋蒙古語以俗語譯之未經儒臣潤色開首三語與今傳雞兒年懿旨碑相似蓋當時寫諭旨之式如此耳

靈谷寺鐘文

篆書後至元二年二月鑄在鍾山靈谷寺

右周辟邪鐘在靈谷寺元順帝重紀至元之二年能仁寺僧所鑄仿周辟邪鐘銑于鉦甬之式皆仿古製鐘乳三十六枚與鄭康成說合能仁寺在城內卽昇元閣故址洪武中始移置聚寶門外鐘之移于靈谷其在此時乎

祈澤治平寺捨田記

正書後至元三年立在上元

碑在祈澤寺無書撰人名按靡蕪澗在上元城東三十里齊處士劉巘居此爲儒林之宗年四十未婚其友爲娶王氏乃詣澗折靡蕪而去因此得名事詳六朝事蹟碑作莓蕪澗疑緇流未之深攷而有筆誤耳

孔子小影書後

正書後至元三年立在江寧縣學

碑在江寧縣學大成殿文內引祖庭廣記四十九代孫瓌敬所編

句容縣恭刻制詞記

正書在句容縣學

碑在本學宣聖五十四代孫承德郎江南諸道行御

新修江寧府志

卷之五十一

金石

天

史臺監察御史孔思立書通奉大夫江南諸道行御史臺張起巖文并篆額後至元戊寅五月立

句容縣學大樂禮器碑

分書後至元五年立在學宮

賜同進士出身儒林郎江南諸道行御史臺監察御史趙承禧撰文林郎江南諸道行御史臺管勾曹復亨書朝列大夫江南諸道行御史臺都事姚紱篆額至元五年五月日建文筆詳贍書法秀整稱元碑之佳者碑陰正書紀造祭器之數亦甚詳備

方山重修定林寺碑

正書在本寺

前奎章閣侍書學士翰林侍講學士通奉大夫知制

誥同修國史虞集撰資善大夫湖廣等處行中書省左丞王士宏書正奉大夫江南浙西道肅政廉訪使普顏帖木兒篆額至正口年歲在乙丑立按元史文宗爲武宗次子至治二年出居南海三年晉王立爲帝改元泰定召帝于瓊州二年又命出居建康碑云天歷天子久潛金陵謂文宗也

重修達奚將軍廟碑

正書立在句容南門外

承仕郎前集慶路句容縣尹兼勸農事林仲節撰文進義副使尉集慶路句容縣主簿樊嗣祖書并篆額至正二年正月廿二日立按南史周宏讓梁承聖初

新修江寧府志

卷之五十二

金石

三

爲國子祭酒二年爲仁威將軍城句容以居命曰仁威壘今碑作洪遜蓋宋人避濮王諱易讓爲遜此撰文者法宋人語而不考史也達奚氏後魏獻帝第五弟之後爲代北著姓見于史者不一其人然以戰功顯者多在西北今碑所云未知何據碑陰正書中有居姓按杜佑通典晉大夫先且居之後以王父字爲氏漢有東城侯居般今錢唐多此姓又有揚姓从才劉氏漢書刊誤云楊氏有兩族赤泉氏从木也揚震子雲从才攷漢郎中鄭固碑云大男孟子有揚烏之才又楊德祖與臨淄侯牋云修家子雲視此揚與揚古

本相通也

重修清源真君廟碑

分書在江寧

碑在江寧雨花岡三茅行宮內將仕佐郎寧國路南陵縣主簿李桓撰從仕郎江南諸道行臺御史臺監察御史兀顏思忠篆額至正二年歲在壬午三月十九日立額仿漢制刻鶴鹿各一碑云三神者清源梓潼射洪也三神祠皆盛于宋時晁氏讀書志有蜀三神祠碑文五卷并虔任四川漕日袁集成書當時崇奉之盛如此按元紀至順元年正月加封秦蜀郡太守李冰爲聖德廣裕英惠王其子二郎神爲英烈

新修江寧府志

卷之五十一 金石

三

昭惠靈顯仁祐王據碑言延祐增號及順帝時加護國字則史所未載蓋元史諸帝紀不出一人之手或詳或略無一定之例也碑陰正書王惲秋澗集云元朝至元寶鈔凡十等一十文爲半錢二十文爲一錢三十文爲一錢半五十文爲二錢半一百文爲五錢二百文爲一貫三百文爲一貫五錢五百文爲二貫五錢一貫爲五兩二貫爲十兩五箇一貫爲半錠五箇二貫爲一錠元史食貨志其言鈔法只書十計百計貫計而未及錠計閱此碑陰初不得解因詳錄于此

卞將軍新廟記 正書在冶城

前奎章閣學士翰林侍講學士通奉大夫知制誥同修國史虞集撰榮祿大夫江浙等處行中書省平章事夔夔書翰林學士承旨榮祿大夫知制誥兼修國史知經筵事張起巖篆額至正五年十一月立卞忠烈廟記三篇曾文昭公胡忠簡公并此作也發揮卞公忠孝之節歷代崇尚之典詳矣明天順四年朝天宮災延及公祠悉爲毀燼成化五年郡守蕭彞復依舊本重刊于石

重修縣學記 分書在句容

新修江寧府志 卷之五十一 金石

三

正議大夫中書工部尚書高昌偁哲篤撰從仕郎贛州路龍南縣尹兼勸農事中山李桓書并篆額至正八年戊子五月吉日立碑詞閎整歌亦典雅在元文中堪與晉卿道傳竝駕李桓書亦雄渾有法

崇明寺藏經院碑 正書在句容

妙慧宏智大禪師湖州路翔鳳山顯忠資福禪寺住持番易沙門廷俊撰大龍翔集慶寺首座師一書從仕郎贛州路龍南縣尹兼勸農事李桓篆額至正八年歲在戊子秋八月十九日立

德恩寺雷山義泉井欄題字 篆書在江寧

至正戊子雷秉義建按戊子乃順帝卽位之十六年
劉純之存徵錄云宋丞相李迪題江南義井有三雷
山其一今則明書至正豈秉義重修者歟因攷李迪
義井記作於天聖五年文見建康志碑訪未見

上元縣祈澤治平寺佛殿碑 正書在本寺

沙門伯元撰中順大夫秘書卿秦不華書曇芳守忠
篆額至正九年己丑歲四月吉日建詞致典雅書法
似歐陽率更按不華字兼善初名達普化文宗賜以
今名

明西天寺碑

西僧版達示寂既葬建塔于寺吳元年立
在報恩寺東

新修江寧府志

卷之五十三 金石

三

孝陵碑

太祖御製行書

徐將軍廟碑

宋濂撰洪武初建

蔣山寺廣薦佛會記

宋濂撰洪武五年立

帝王廟碑

宋訥撰洪武六年建在鍾山

閱江樓記

太祖御製宋濂行書墨本見在江寧獅子山
盧龍觀內或云樓未建成記未刻石也

中山武寧王徐達神道碑

太祖御製在鍾山

能仁寺碑

洪武初移建

開平忠武王常遇春神道碑

宋濂撰在鍾山

岐陽李武靖王文忠神道碑

董倫撰在鍾山

東甌湯襄寧王和神道碑

方孝孺撰在鍾山

臨河鄧武順王愈神道碑 朱炎撰在江寧安德門

黔寧沐陽靖王英神道碑 王景撰在江寧長泰鄉

號國公俞通海神道碑 陶安撰在江寧雨花山

蘄國公康茂才神道碑 宋濂撰在上元神策門外

江國公吳良神道碑 吳宗伯撰

海國公吳禎墓碑 劉崧撰在鍾山

滕國公顧時神道碑 劉崧撰在鍾山

陝國公郭子興墓碑 劉三吾撰在許國公墓前

北極真武廟碑 宋訥撰

都城隍廟碑 劉三吾撰

新修江寧府志 卷之五十二 金石

祠山廣惠廟碑 宋訥撰

五顯靈順廟碑 宋訥撰

蔣忠烈廟碑 劉三吾撰在鍾山西

卞忠貞公廟碑 劉三吾撰在冶城

南塘劉忠肅王仁瞻廟碑 黃子澄撰

宋曹武惠廟碑 劉三吾撰

靈谷寺碑 洪武十五年立

元衛國忠肅福壽廟碑 劉三吾撰洪武二十二年立

鍾山埋石告天文二通 正書一係洪武三十五年一係

然於鍾山朱湖洞天告行係前明追薦設醮祈福之
文埋石山頂乾隆四十二年為樵者掘得報官總督

高公飭送朝天宮貯藏今現存其詞云奉大明皇帝聖旨伏爲皇考太祖高皇帝皇妣孝慈皇后登遐日遠痛懷喪葬之弗親崩失年深益感劬勞之未報手足且傷于先後情衷有慟于死生骨肉相殘幾致屏翰之傾替腹心構訟幸茲家國之安全云云其洪武三十五年乃建文四年壬午之歲此革除年號之可徵者也

謝將軍元廟碑

羅紀撰在鳳凰臺

淳泥國王墓碑

永樂中來朝卒賜葬在石子岡

大報恩寺碑

永樂御製朱孔陽書

重修寶公聖神塔記

僧可浩撰嘉靖十八年

高座寺聖教序石刻

石已殘

新修江寧府志

卷之五十二

金石

三

